

DISSERTATIO INAUGURALIS MEDICO - CHIRURGICA,
De,

FISTULARUM

NOVA, TUTA AC COMPENDIOSA
SANATIONE,

Quam
RECTORE MAGNIFICENTISSIMO,
SERENISSIMO JUVENTUTIS PRINCIPE AC DOMINO
DN. *FRIDERICO WILHELMO*,
ELECTORATUS BRANDENBURG. HÆREDE,
&c. &c. &c.

IN ILLUSTRIS ACADEMIA FRIDERICIANA
EX DECRETO GRATIOSISSIMÆ FACULTATIS MEDICÆ
PRÆSIDE

PRO-RECTORE MAGNIFICO
DN. *FRIDERICO HOFFMANNO*, D.
MEDIC. ET PHIL. NAT. P.P., MEDICO ELECTORALI
AULICO,
N. PROMOTORE, PATRONO, PRÆCEPTORE AC MOECENATE
AD ARAM DEVENERANDO.

PRO DOCTORIS GRADU

Ad XII. Martii MDCXCVII. horis ante & pomeridianis
In AUDITORIO MAJORI

Placidæ ac publicæ Philiatorum censuræ offert

JOHANNES NICOLAUS Röper/

Halberst. Saxo.

HALÆ MAGDEBURGICÆ,
Literis, CHRISTIANI HENCKELII Acad. Typogr.

STATE OF NEW YORK

MURRAY

1211 10th St, NYC, NY
10014

Phone: (212) 462-1234

Office: 1211 10th St, NYC, NY 10014

Home: (212) 462-1234

Mobile: (212) 462-1234

Business: (212) 462-1234

Residential: (212) 462-1234

Commercial: (212) 462-1234

Industrial: (212) 462-1234

Public: (212) 462-1234

Private: (212) 462-1234



DISSERTATIO INAUGURALIS MEDICO-CHIRURGICA,

De,

FISTULARUM NOVA,
TUTA AC COMPENDIOSA
SANATIONE.

I.



Iullus artifex iudicio

hominum expositus est, certe qui manu ægrotantibus opem fert, seu chirurgus est, quot capita tot sententiæ ac judicata de ejus effectis & sanationibus exaudiri solent; vulgus ad judicandum præceps & ineptum, omnem quem præstat effe-

ctum, fortunæ sive adversæ sive secundæ adscribit, nullo habito respectu ad morbi & ægrotantis conditionem aut ipsius chirurgi scientiam, unde nihil vulgatius nihil communius, quam quod distingvat inter fortunatum & infortunatum chirurgum; equidem non negandum, vim quandam in medendo quandoque intercurrere superiorem, qua in contrarium agente, quicquid tentatur, felici caret successu, loquente sic Magnifico DNO. PRÆSIDE, *Præceptore ac Mæcenate, de me ob maxima beneficia immortaliter merito:* (a) attamen genuina chirurgi fortuna quærenda potius est in ejus scientia, hinc etiam Coo fortunatus dicitur ἐπισάμενος, scientificus, *Der seine Kunst wohl versteht* / qui nimirum ex-

A 2

qui-

(a) *In fundamentis suis medicina solidissimis. p. 194.*

quisite callet morbi ingenium, medicamentorum vires, & ex ratione omnia agit, uno verbo, rationalis. Pulchrum eloquium *Livii* est, (b) Cuncta, quæ summa ratione & consilio acta sunt, fortuna semper sequitur: exstat quoque insignis locus de fortuna medici apud *Hippocratem*, (c) *dum inquit*; medicina mihi jam inventa esse videtur, quæ sic habet, quæ docet singulas & consuetudines & occasiones, qui enim sic medicinam novit, minime fortunam respicit & expectat, sed & citra fortunam & cum fortuna recte faciet.

II.

Quemadmodum ergo infelix medicus dicendus est, qui nec cognita morbi & ægrotantis indole ac causa nec perspectis medicamentorum viribus, eorum ratione temporis & doses applicatione ægrum sanare conatur, sic etiam chirurgus infortunatus & omni successu felici carens est, qui præter jam dicta & manuali *ἐνχειρίσει* destitutus temerario ausu opus suum exsequitur; talis farinae autem turpe dictu, est verissimum, plurimi sunt, hinc quando successu destituuntur, fortunam ceu *humanarum rerum presidem* imprudenter incusant. Quo circa danda non minus chirurgo quam medico sedulo opera est, ut addiscant vera naturæ, quibus agere solet, principia, ut rerum causas calleant, verique rationales reddantur, sic omnia ex voto succedent, & magna præstabunt, quæ impossibilia credit ignarum chirurgorum vulgus; In exemplum hic adducam fistularum cujusvis generis facilem & compendiosam curationem experientiæ & rationis ductu inventam. Quam execrandum malum sit ulcus hoc fistulosum, & in quantum illuserit vulgarem medendi rationem, res inter chirurgos notissima est, nihilominus via ac methodus mihi cognita est multiplici experientia & ratione corroborata, facili negotio & ultra quoddam incommodum brevi dirum hoc malum sanare & superare, & quoniam specimen profectuum meorum edendum fuerit, placuit, hanc materiam majori industria & exqui-

(b) *lib. 5. cap. 19.* (c) *tom. 1. de loc. in homine §. 58. pag. 393.*

exquisitori indagine impræsentiarum agitare. Ut autem hi mei conatus felicissimus sortiantur eventum, supremum, numen devotis veneror precibus, velit sua gratia & nunc & imposterum mihi adesse quam benignissime.

III.

Nolo autem circa nominis enodationem ac derivationem fistulæ diu morari, bene memor istius moniti apud *Cartesium*: (d) *ne longiores simus in verbis quam in rebus ipsis*. Brevisissime itaque eam præmittam: fistula ergo nomen suum obtinuisse videtur vel ab arundinearum fistularum similitudine annotante *Paræo*, (e) vel quod imitetur fistula musicum aliquod instrumentum, ut volunt *Galenus* & *Trincavellius*, (f) quandoquidem in iis cavitas & ductus deprehenduntur, arundinum cavitatibus & musici instrumenti ductibus non dissimiles. Græcis audit σύριγξ, ἑλκὸς κοιλώδες ἢ τυλῳδες, germanis dicitur, eine Fistel / ein Röhr / oder Hohl / Geschwür / ein Fistulirter Schade. Est autem fistula ulcus sinuosum inveteratum arctum & oblongum interius & exterius callosum aliquatenus indolens; ulcus vero dicitur, quia nimirum foeda & impura est continui solutio, seu filamentorum, quibus solidæ partes constant, dilaceratio, unde cavitas quædam nascitur, quæ putridam & mali odoris lympham in sinu suo fovet; ulcus tale pus minus bonum & coctum gignit, sed magis ichorolam, acrem materiam effundit, in quo etiam differt ab abscessu, qui ingens cavitas est, quæ copiosum & bonum pus complectitur: Oblongum solet esse, in principio arctius cum oris prædurentibus & inversis, in profunditate autem augustius fieri solet; Oræ præduræ & callosæ cicatrice interdum obducuntur tenui, sed quæ mox disrupta ulcus renovat, quandoque etiam materia acris copiosa contenta alias vias quærit, & novo orificio foras prorumpit.

IV.

Quod attinet fistularum subiectum, sciendum, quod in omnes machinæ nostræ solidas partes invadere soleant, non

A 3

enim

(d) *Princip. part. 1. §. 74.* (e) *lib. 12, cap. 21.*

(f) *lib. 3. de compos. med. cap. 13.*

enim tantum in carnem agunt eam exedendo, sed & glandulas earumque vasa, arterias & venas, nervos, tendines & cartilagineas adoriuntur, ubi acerbum sæpius dolorem commovent, imo ipsa ossa primum tenella, deinde solidiora depascunt, quæ putrida cariosaque facta materiam pessimi odoris fundunt & sanationem efficiunt difficillimam. Has autem partes tanquam subiectum generalius intimius ut rimemur, operæ pretium utileque fore iudicamus, exinde enim fiet, ut in sequentibus eò felicius occurrentia phænomena expiscari possimus. Omnes itaque, quas diximus, partes solidæ ex fibris constant, hæ sunt earum prima stamina & filamenta, hæ prout magis vel minus crassæ, teneræ & subtiles existunt & prout rectum vel obliquum situm habent & quo compactius vel laxius coeunt, varia constituunt organa, sic in medio laxius, in principio autem & fine strictius coeuntes lineamque rectam sequentes, musculos, eorumque funiculos ob strictiorem unionem albos nominatim tendines efformant, motus totius machinæ instrumentum aptissimum; strictissime vero sese coadunientes ossa tanquam fulcra, quibus corpus sustinetur, producunt; hæc si adhuc mollia sunt & laxiora formam cartilagineum induunt. Porro, si diversimode hæ fibre super se sunt stratae, præsertim autem transversim, membranæ & tunicae evadunt: Ulterius, si instar cannae indicæ perforatae & ex alba cerebri substantia progredientes cavos constituunt funiculos, nervorum nomen suscipiunt; Ex hisce fibris circulariter, longitudinaliter & transversim deductis cætera omnia vasa speciatim arteriosa, venosa lymphatica originem habent; quod glandulas denique attinet, nihil aliud illæ sunt, quam vasorum minutissimorum ex fibris iamdictis constitutorum implicatus nexus, ingrediuntur eos nervi & carnea fibrosa filamenta, quæ varie & horizontaliter circumducuntur, exterius membrana valde tensa investiuntur; Videmus itaque ex hisce allatis omnes solidas partes ex uno constare principio fibroso, & quod saltim differentia harum partium à magnitudine situ ordine & usu desumenda veniat, notandum hic adhuc est, quod omnes hæ fibræ quales quales etiam

etiam sint, liquore vel sanguineo vel nerveo, vel aqueo turgent, à cuius præsentia suum esse & robur omnino dependet, & qui, quando erosio harum fibrarum fit, exitum affectat & effluit.

V.

Hæ fibræ jam enarratæ omnes partes totales constituunt in corpore nostro, & has aggreditur fistula; remanet saltem adhuc quæstio, an fistulæ etiam invadant ossa, quod tamen non vero simile videtur, dum dura sint & resistantiam habeant; respondemus ergo, licet resistant & duriora sint, tamen successu temporis exedi posse, affirmat aphorismus *Hippocratis* (g) Quæcunque, inquit, ulcera annua sunt, in iis os abscedere necessum est: ulterius observationes passim testantur, sic recenset *Dn. Muys*, (h) quod ex ulcere fistuloso aliquot fragmenta ossea protraxerit; nos quoque aliquot observavimus exempla, quæ tamen inferius, ubi commodior erit locus, enarrabimus; Denique huc collimat methodus medendi, quæ tradita à *Vigone*, (i) à *Sculpeto* (k) & aliis est: subire itaque possunt omni jure subjectum secundarium.

VI.

Ulterius nunc progrediemur, & quoniam fistula in singulis partibus propria quædam habet, ut *Celsus* (l) loquitur, opus quoque erit, ut specialius in ipsas pro partium conditione inquiramus, aliam enim naturam, aliudque ingenium & mores fistulæ assumunt, aliamque exigunt sanandi viam, prout partes tendinosas, osseas, musculosas, nerveas membranaceas magis vel minus invadunt, unde etiam diversa pro partibus affectis fluxerunt fistularum nomina, ut dicatur *lacrymalis*, *maxillaris*, *genæ*, *colli*, *pectoris*, *abdominis*, *ani* & ejusdem generis; singulas has seorsim spectabimus; ejusque physiologiam brevibus tradamus, ne hac neglecta idem nobis accidat, quod illi apud *Marchette*, (m) qui orificium urinarium

(g) *lib. 6. aph. 45.* (h) *chirurg. rat. obs. 2. decad. 4.*

(i) *in chir. part. 1. lib. 4. cap. 18.* (k) *in armament. chirurgico.*

(l) *lib. 5. cap. 28.* (m) *obs. 60.*

rium in pudendo muliebri pro fistula habuit; Exordium autem facimus à fistula lacrymali, cujus primarium inhæfionis subiectum est saccus ille lacrymalis, qui situs est in majori oculi angulo, & est nihil aliud, quam ostium canalis, per quem liquor promanans à lacrymali glandula in nasi cavitatem prolabitur; *Veteres* hoc in loco fingeant glandulam, quæ tamen ab oculationibus anatomicis nunquam hic observata fuit. Audiamus hac de re *Dn. Sauvry*: (n) Hæc glandula, inquit, non reperitur in homine, sed loco ejus productio quædam sive saccus, qui proprie loquendo est introitus in canalem, per quem lacrymæ effundendæ in cavitatem narium defluunt; Confirmat id ipsum *αυτόπτης Petr. Dion.* (o) Anatomici, inquiens, lacrymalem glandulam superadjiciunt in majori oculi angulo positam, sed falluntur, nulla enim in homine occurrit, arbitrantur, illam prominentiam & carunculam, quæ tamen est membranæ palpebrarum coitio, esse glandulam; Secundarium subiectum sunt partes circumjacentes maxime sinus ethmoidales, qui in nasum terminantur, & materiam mucosam ibi deponunt, item os nasi unguis appellatum, quod totidem interdum perforatur, est hoc exile & tenue circa internum oculi angulum, ad ostium canalis nasalis situm, positæ ibi quoque sunt rami ex arteria carotide & vena jugulari, item productio nervi à quinto & sexto pari.

VII.

In fistulis maxillari & genæ totum tractum à glandulis parotidalibus & apophysi mastoidea ad annulum primum arteriæ asperæ pro subiecto agnoscimus, quo referri etiam debent præter cutem externam & pinguedinem vasa sanguinea, musculi buccinatoris portio, musculi labiorum masseter & biverter, qui omnes sunt vel labiis movendis vel motui maxillæ inferioris, quæ tantum est mobilis, dicati; Positæ quoque ibi sunt glandulæ eximiores diversi generis & magnitudinis cum insignibus ductibus & vasis salivalibus. Conglobatorum innumeræ sunt in labiis & palato, conglomeratæ sunt parotides

(n) in anat. nov. part. 2. cap. 7. p. 357.

(o) in Anat. corpor. human. p. 370. § 371.

des, quæ totum illud spatium replent, quod interjicitur angulo posteriori mandibulæ inferioris & apophysi mastoideæ. Infra maxillares internæ locatæ sunt seu *Warthoniana* ab illarum ductus inventore sic dictæ, hæ si læsæ sunt, lympham puram copiosam fundunt; Vidimus nuperrime virginem, quæ laborabat fistula maxillari, cujus orificium exstabat in eminentia ossis maxillaris ad latera colli, transibat per medium glandulæ Warthonianæ & terminabatur in dente molari extremo, dente non evulso, primum sanguis exstillabat purus tam intra quam extra os, interjectis aliquot diebus pura exstillabat lymphæ, maxime quando loquebatur vel cibum masticabat, cujus origo haud dubie glandulosæ hujus læsioni adscribi debet, felicissime tamen nostra methodo exquisita sanatio sequebatur. Trahi quoque huc possunt dentium fistulæ, in vulgus enim notum & expertum est, quod ferme nulla genæ fistula absque dente carioso fiat, quo extracto sponte malum evanescit. Meretur huc recenseri singularis & curiosa quædam observatio, quam *Venerandus meus DN. PARENS* in principe quadam Serenissima Quedlinburgensi annotavit; Vexata hæc diu fuit ulcere fistuloso genæ, omnibus frustra adhibitis remediis à celeberrimis etiam Medicis præscriptis. Chirurgus è vicinia accersebatur, qui adveniens suspicabatur de dente carioso, quem cum non invenit, sed loco ejus tumorem quandam gingivæ, judicat latitare ibi mali fomitem, sumsit lanceolam, eumque licet omnibus circumstantibus medicis & reliquis chirurgis dissuadentibus aperit, sic in conspectum veniunt sequenti die festucæ & radices olim à dente extracto relicte, quibus singulari cum instrumento extractis, demitur simul longa ac rotunda membrana, hinc fistulosum ulcus externe incipit guttulas aliquot sanguinis fundere, & intra paucos dies curata fuit diu satis macerata hæc Princeps. *Dn. Murr* (p) nonnulla fraementa maxillæ inferioris exeuntia ex fistula observavit. Ejusmodi & nos quoque vidimus in virgine illa, cujus supra mentionem fecimus.

B

VIII.

(p) loc. citat.

VIII.

Observatur quoque fistula in collo, per collum significamus productionem thoracis, quæ initiū sumit ab atlante, qui est prima prope caput vertebra & terminatur in primam thoracis, quæ vocatur eminens; longitudinem colli constituunt sex vertebrae, pars anterior guttur, posterior cervix appellatur, de priori saltim, quoniam rarius in posteriori fistula gignitur, dicendum est, complectitur autem guttur præter vasa sanguinea jugularia & carotidalia lymphatica etiam & nervosa, oesophagum, arteriamque asperam, quæ etiam subiecta diro nostro malo est, sic fistulam, quæ transibat per duos arteriæ asperæ annulos, describit *Marchette* (q). Notandum est, quod interdum talis fistula sinus multos faciat & subrepat ipsas claviculas, qualem observationem annotatam lege apud *Scullettum*. (r) Præterea adnotatur quoque sævum hoc morbi genus ipsum pectus, quod constat ex tribus diversis substantiis ex ossea nimirum, cartilaginosa & carnea, quoniam non solum inservit cordi & pulmonibus tuendis, sed etiam sui ipsius extensioni ac compressioni congruenter ad partium istarum motum, has partes quoque fistulosum ulcus occupare solet: quod & ipsam pectoris cavitatem cum cordis erosione & perforatione transierit, observatum est à *Marchett* (s). Denique umbilicalem fistulam ad intestina tendentem rarissimam, observavit idem *Marchett*. (t) Ipse *Hippocrates* (u) similem umbilici fistulam ex vulnere observavit, ex qua nonnunquam magnus proveniebat lumbricus, unde judicatum fuit, intestinum simul fistula fuisse tactum, ex quo perforato lumbricus prodiit.

IX.

Restat adhuc exploranda illa fistula, quæ circa sedem exoritur, & ani fistula nuncupatur, occupat hæc primum va-

(q) in *obs. chir. obs. 37. p. 91.*

(r) *armament. chir. part. 2. obs. 50.*

(s) *l. cit. obs. 47.*

(t) *obs. 53.*

(u) *epid. lib. 6.*

sa venosa hæmorrhoidalia, quæ ut *Tauvry* (w) *inquit*, anum quasi corona cingunt, horum munus est, sanguinem per arterias allatum revehere, in his facilis stagnatio sanguinis accidit, præsertim propter situm perpendicularem, ubi ascensus semper difficilis, deinde etiam compages intestini recti nimis laxa esse solet, quare ob debilitatem toni partis hujus sanguis ibi subsistit, tenues vasorum tunicas distendit & acrem corrosivam tandem indolem induit, & affectus dicitur hæmorrhoidis cœca, ab hoc semper originem suam petunt ulcerosi ani & partium circumjacentium musculorum & ipsius sphincteris sinus, cruor enim serosus extrinsecus summa acredine imbutus intestini recti membranas reliquasque conterminas carnes perrodit atque exedit; De fistulis hisce ingentem tractatum, qui legi meretur, scripsit *Hippocrates*, qui uti author medicinæ vetustissimus, sic etiam optimus quoad sanandi hæc ulcera methodum. *Marchette* (x) fistulam ani in infante adhuc satis tenero observavit atque curavit.

X.

Hisce jam perspectis ad generationem fistularum progredimur, qua cognita curationis via feliciter inveniri poterit; scite ait *Hippocrates* (y), Medicus, qui sufficit ad cognoscendum, ad sanandum etiam sufficit: seu prout sese explicat (z); qui causas corporis affecti probe agnoscit, potens est valde ea adferre, quæ corpori profunt. Multa autem sunt, quæ ulcerum horum productioni velificantur, ex quibus potissimum locum obtinet succorum vitalium & maximè lymphæ impuritas, veteribus dicta *cacochymia*, recentioribus *scorbutus*, ex improbo victu aut ex viscerum aut emunctoriorum prava affectione contracta; Salia nimirum corrosiva acria magna potentia agendi instructa pene omne absolvunt punctum, utpote quæ spiculis armata instar gladiolorum fibras carneas

B 2

discin-

(w) *loc. cit. pag. 26.*

(x) *pag. 192.*

(y) *lib. de arte.*

(z) *lib. de flatibus.*

discindunt ac dissolvunt, osium lamellas duras & tenues tubulos, quibus sese inferunt, acrimoniâ suâ consumunt, cariemque inducunt, quosvis minutissimos in cartilaginibus ac glandulis angustissimis porulos intrant, & acrimonia suâ exedunt exteruntque, nerveos quoque ac membranaceas partes consumunt magno cum dolore & cruciatu. Compertum enim ex chymia mechanica est, quantum jus in durissimis corporibus solvendis v. gr. cornubus, dentibus, ossibus animalium possideant acida, uti spiritus nitri, salis, oleum vitrioli & aceti concentratus: membranæ animalium & vulgo vesicæ ab effluviis spiritus nitri ex facili corroduuntur & in minimas partes discerpuntur, molliores quoque carneas vivas brevi destruunt, uti id cernere licet in fontanellis ab acidis excitatis. Similis generis utut intertexta lymphæ, mucilagini ingenerantur quoque corpori nostro, quæ, quamdiu hoc involucro tenentur in partes haud quaquam deserviunt, donec diuturnitate temporis per moram ac stasim à visco hoc nudata corrosivi impetum in partes adjacentes exerceant. Sicuti itaque omne ulcus, sic quoque in principio fistulas præire solet inflammatio partis, quæ nil nisi obstructio est minimorum porulorum à stagnante sanguine vel lymphâ transitum æthereorum globulorum liberiores retardans, unde dolor, tumor, rubor, arteriolarum distensio exsurgunt; salia enim incarcerata ob motum vehementiorem & attritum ætheris subtiliora & acriora reddita intime penetrant solitos partium tubulos, ipsos dilacerant, unde necessaria stasis sanguinis, ex hac corruptio & pus, quod acrimonia suâ magis corrodit partes, majoremque cavitatem & sinum format, exoritur. Etenim conspicimus inflammationes demum, ubi nimium quantum fibrillæ fuere passæ, parere ulcera, minus autem, si penetrant salia, sed solæ prodeunt inflammationes: Jam autem, salium morbosorum acrium in corpore genesis maximam partem dependet ab oppilatione emunctoriorum, per quæ fordes hæ salinæ sulphuræ à vitalibus fluoribus ordinarie secernuntur, hæc autem in corpore relictæ, non tantum polluant sang-

gvi-

gvinis & lymphæ fluorem, verum etiam concitatiores motiones, fibrarum irritationes efficiunt, quibus motibus increfcentibus salia hæc variè atteruntur, majoremque acredinis vim, acquirunt: motus enim est, quia salia varie modificat illaque diversissimæ indolis producit.

XI.

Ex hisce jam adductis facile patebit ratio, cur scorbutici, hypochondriaci, cachectici, lue venerea affecti, splenetici, quibus viscera minus salva, sed obstipata infarcta & corrupta sunt, ob succos impuros ac salinos tam frequenter ulceribus varii generis imo ipsis fistulis corripiantur; Item constabit ratio, quare omnia illa, quæ ad discrasiam acido viscidam, humorum contribuunt, uti crassus & falsugine imbutus aër, victus falsior & viscidior, ordinariorum excretionum retentio vel suppressio, ulcera ejus generis non tantum pariant & producant, verum & producta foveant, & illorum curationi resistant, hæc enim ulcere materiam ac pabulum suggerunt, quibus non remotis, illud sanescere minimè poterit. *Hildanus* uteri fistulam, quod notabile est à suppressis observavit mensibus (1). In viris hæmorrhoides suppressæ ob stagnationem sanguinis acrioris & viscidæ fistulosa circa anum produxerunt, ulcera, observante *Hildano*. (2) *Excellentissimus Dominus Doleus* (3) mulierem post lochiorum fluxum suppressum vidit copiosissimis crurum ulceribus infestatam.

XII.

Præterea noster affectus natales suos sumit ab ulcere præpostere tractato in partibus præsertim glandulosis, testatur id ipsum *Guido de Caulico*, (4) fistulam, inquit, plerumque præcedunt ulcera cavernosa. Inter alia probat hoc fistula lacrymalis ex ægylope & ani ex hæmorrhoidibus exulceratis; Memorabilis quoque mihi occurrit casus, quem nu-

B 3

per

(1) *obs. 61. cent. 2.*

(2) *obs. 75. cent. 2.*

(3) *in encyclopæd. chirurg. Cap. de ulcerib.*

(4) *tract. 4.*

per Halberstadii apud DN. PARENTEM annotavit: Juvenis nimirum corripiebatur febricula cum horripilatione præcedente, hanc subsequēbatur tumor ingens circa regionem lumbarem, in consilium vocabatur rudis quidam & magis sacrificandi quam chirurgicæ artis peritus balneator, qui judicans tumorem hunc esse luxationem femoris, arripit ossa, illaque fortiter distendit summo cum ægri tormento, tumor autem distensione hac disparere noluit, hinc quid factu opus sit nesciens, emplastrum applicat ad fracturas, quo ulterius materia contenta ulcerosa satis maturata sinus faciebat, elapsis quatuordecim diebus, vidit, quod tumor mollescat sponte sua, apparente in superficie cutis eruptionis signo, hinc brevi temporis spatio pus erumpebat, quod dum profundius propter moram penetrasset, & altos egisset radices, in fistulam degeneravit horrendam, quæ duos accepit canales, alterum in loco affecto, alterum circa anum; Similem ferme historiam consignavit *Vir in operationibus suis experientissimus Dn. Sölingen* (5): Facile enim, quando abscessus maturos non recto tempore aperti vel in loco decliviori aperturam non instituit chirurgus, fistulam excitare potest. Præterea experientia docet, ex vulneribus progigni quoque fistulosos sinus, quod accidere solet, quando instrumentum, quod vulnus infligitur, non recta via sed oblique transit, dum quis positura ac situ non recto, sed inflexo ac curvo vulnus accipit, cavitates tunc facile formantur, quæ si non rite à stagnantibus humoribus depurantur, callos producant & materia alio in loco decliviori erumpit, sicque fistulæ fiunt; fistulas à traiectione globi plumbei bombardæ per obliquum facta quinque inde natas consignavit sæpius laudatus *Dn. Marchette* (6). Idem quoque accidit, quam curam vulneris chirurgus protrahit, quod in principio facilius curationis est, postea ob symptomata, quæ hisce complicari solent, difficillime sanantur: Sic hic locorum in filiolo *Gallie lingue Informatoris* observavi fistulam lacrymalem horrendam, hæc originem suam debet vulnere per casum

(5) *In chir. operat. p. 195. part. 2.*

(6) *obs. 56. p. 303.*

sum ab alto excitato & poste à chirurgis male tractato, terminatur hæc in os unguis nasi, jamque per annum duravit, & quoniam jam os ibi cariosum suspicor, curatio difficilior ejus evadet. Denique constat experimento queque & observatione, usum remediorum acrium, calidorum in ulceribus & vulneribus, dum majorem humorum affluxum ac statim producant, occasinem fistulis præbere.

XIII.

Porro etiam si sinus & abscessus aperti non legitime depurantur, fistula gigni potest, fordes enim ibi hærentes majoris acrimoniæ & erosionis participes fiunt, quæ proximas partes consumendo sinus majores & callos efficiunt; fit autem hoc maxime in vulneribus & ulceribus partium glandulosarum v. gr. glandularum maxillarum, parotidaliū, subaxillarium (quale citatus sæpius *Dn. Marchette* exemplum habet (7), mammarum, inguinalium, solet in hisce partibus continuus esse affluxus humorum ob discissos ductus lymphaticos; si itaque ipsis non liber affluxus & exitus conceditur, vappescant, corumpuntur, acridinem contrahunt, unde sinus angusti & oblongi callique succrescunt; sic memini casus, qui contigit ante aliquot annos *Halberstadii*, dum Iudæa quædam laborabat ex tumore duro in mamma sinistra, chirurgus vocatus jam famosus apud chirurgorum vulgus ob multos chirurgiæ libros compilatos, tumorem suppuratum aperuit, cum autem simul ductus insigniores lactei læsi erant, non potuit non, quin continuo exstillaret lymphæ chylosa cum pure, neglecta à chirurgo hoc omni purificatione, humor exesione sinum ingentem gignebat, qui fistulosam reddebat totam mammæ ferme substantiam, advocabatur ergo alius & quidem prudentior chirurgus, qui originem mali rectius penetrans imposuit brevem canalem argenteum orificio fistulæ, ita ut pus liberum haberet exitum, purificat ulcus interno decocto ex myrrha, aloe, fl. rosar. & vino parato, quod singulis diebus aliquot

(7) *obs. 58. p. 95.*

quot vicibus syringa injecit, sic intra decem dies grande hoc ulcus fistulosum felicissime sanatum fuit; Ad fistularum an- generationem multum facit fortior motus maxime equitatio, ab hac enim diductio & expansio vasorum hæmorrhoidalium facile fieri potest, quod jam suo tempore notavit *Hippocrates* (8). Gestatio foetus, dum hac venæ comprimuntur, & per illas sanguinis circulatio lentior fit, cæcas hæmorrhoides in nonnul- lis inducere solet, quale exemplum exstat in *Horstio* (9) & *Los- sio* (10). Observamus quoque a nisu vehementiori parturi- entium vasa hæmorrhoidalia valde distendi & cæcas hæmorr- hoides producere, quæ improvide & minus decenter tractatæ facile in fistulas abeunt.

XIV.

Aspectis jam causis tam proximioribus quam remotiori- bus, quæ affectum nostrum generant, dispiciendum jam erit de rationibus phænomenorum & explicatione illorum, quæ fistulas assidue comitari solent. Observamus autem, perpetuo in fistulis callum formâ fistulæ instrumentalis, cujus naturam & causam paucis evolvimus: callus ergo caro dura est, indolens impediens in ulceribus consolidationem; Duri- ties partium solidarum in corpore nostro varias agnoscit cau- sas. Compertum enim ex philosophia mechanica est, quam diu per corporis poros fluidum quoddam circulatur & fertur in, copia sive æthereum sive liquidum quoddam aliud sit, tam diu partes mollitie quadam gaudere, simul ac autem pori obstipan- tur materia crassa angulari, ac itus & reditus fluidi cujusdam impeditur, partem majorem renisum & a coarctatis poris du- ritiam acquirere, uti id multis experimentis probare lice- bit. Præterea ad corpus compactum & solidum efficien- dum multum quoque contribuit incumbens atmosphæræ am- bientis pondus, utpote liber aëris aditus ad partes molles pon- dere suo poros comprimit, fibrillas, ex quibus partes contextæ sunt

(8) *lib. de fistul.*

(9) *lib. 1. obs. 16.*

(10) *lib. 3. obs. 28.*

sunt, arctius conjungit, exhalationes vaporum impedit, sicque omni expressa fluiditate stabile & firmum efficit corpus; Quantam compressionis vim aër atmosphæricus habeat in corporibus, ex quibus aer internus expulsus est, confirmant adhæ- siones firmissimæ cylindrorum Inarmoreorum accurat polito- rum, nec non hæmisphæria cuprea exquisitius sibi juncta; Jucundum & pressionis aeris atmosphærici ad oculum demon- strans experimentum est, quod *Magnificus DN. PRÆSES, rerum naturalium felicissimus scrutator, in Collegio suo experimentalis curio- so physico* exhibet, nimirum si vesica qualiscunque firmiter annectitur antliæ orificio, ex eaque contentus aer beneficio emboli expellitur, videbimus, latera vesicæ quàm firmissime sibi adjungere, adeo etiam ut dilaceretur prius vesica, quam late- ra dimoveri queant; Pressione itaque tali externa fibræ cu- tis propius ad se invicem accedunt, pori coarctantur, & ex illis omne fluidum incolens expellitur; Tali ratione, etiam generantur calli in manibus & pedum plantis, labor e- nim & agitatio illarum partium cum duris, multaque ambu- latio callos copiosissimos compressione fibrarum carnearum producit. Quod autem pori arctiores existant in ipso callo, transpiratio hac in parte prohibita edocet, ex fa- cili enim in talibus partibus generantur ulcuscula (vulgo *Qneesen*) ichorem purum continentia, quæ ex effluviis sub cuticula collectis propter clausos poros succrescunt. Ut itaque accedamus ad applicationem, calli fistularum ac- cerfendi potissimum sunt ab externo aëre gravi, qui intrans finis & cavitates immediate fibris carneis incumbit, poros co- arctat & circulationem humorum per partes has compressas re- stringit & sufflaminat, unde vita sive sensu & motu privantur, viscidæ autem particulæ tam extra quam intra sese per com- pressionem apponunt, sicque callo incrementum accedit: Ex- perimentum domesticum est, pultes calidos in superficie gi- gnere cuticulam crassiusculam, quæ non nisi aëris externi pressuræ debetur, qua firmitus conglutinantur particulæ visci- dæ repressis particulis fluidis mobilibus: Simili ratione aer fri-

C

gidus-

gidus operatur in molliores carnis partes, illas indurando ac firmando; Denique ad duritiem illam callosam acidi ulcerosi vis coagulans fluidas partes multum facit, utpote experimentis chymicis constat, acidus spiritus sive salis, sive nitri, sive vitrioli sit, confusos cum lacte, sanguine, albumine ovi mox substantiam satis firmam producere: Idem contingit, si spiritus nitri affunditur oleo Juniperi, concrescit exinde resinosa ac solida substantia, quæ candelæ seu igni admota instar resinæ inflammabilis est: Simili ratione acidum ulceris fluidum illud seu liquidum, quod per meatus solidarum partium transit, in motu sistere potest, ipsisque coagulum inducere. Callus hic sensatione caret, dum constat ex lamellis firmiter sibi connexis, in quibus & per quas nullus fit motus, itus & reditus sanguinis, lymphæ & fluidi nervei; membranaceæ & fibrosæ partes firmissime constrictæ, dum sufflaminant motum, fluidi simul sensu & motu privantur. Præterea callus resistit in fistulis omni sanationi, hinc non nisi callo remoto, fistulæ sanabiles fiunt, partium enim conglutiuatio ad se invicem impeditur, dum nimirum materia nutritia alibilis per callosos poros non penetrat, hinc coadunitio fibrarum haud fieri potest.

XV.

Accedimus jam ad productionem cavernarum & sinuum obliquorum, qui in fistulis cernuntur & proprie eas constituunt. Nimirum materia acris in partium solidarum tubulis stagnans, dum exitum non invenit, pressura tam propria quam aeris incumbentis viam sibi præparat, poros vicinæ carnis intrat, filamenta ipsius dilacerat & depascit, duriora nominatim ossa, cartilagine, arteriam & nervum primo intacta relinquit, dum tam subito perforare ea nequit, novam hinc efficit cavernam, ex qua deinde novi producuntur canales. Sic in Juvene supra memorato accuratam, quasi reflexionem materiæ observabamus, fistula nimirum, in uno latere incipiebat, ad os terminabatur, à quo reflectebat, ut si ex altero latere rediret. Quis non hic perspicit, qua ratione multiplices sinus ac canaliculi in uno ulcere appareant; canales isti fistulosi rotunditate maxime gaudent, quia aeris pres-

pressio circa latera omnia in parte illa exesa æqualis est, unde rotunditas exsurgit; Præterea orificium fistularum exterius multo durius & angustius est, quam canalis interior, quoniam materia acris ichorosa ad orificium non perfringit, sed gravitate sua in profundum magis serpit & ad latera, accedit quod aer frigidus exterior oras ulceris tumidiores & duriores reddat, unde orificium angustius evadit, cui visciditates facile se applicant materiæ saniosæ effluxum impedientes, serpens hinc magis intrinsece ampliores efformat sinus & cavitates.

XVI.

Sunt & alia, quæ fistulis conjunguntur, quæ propriam etiam animadversionem disiderant, nimirum cernitur, in fistulis pro diversitate subjectorum & partium affectarum variæ materiæ effluxus, in nonnullis pus album coctum, in aliis nigricans, graveolens visitur, nonnullæ ichorem saltem tenuem acrem fundunt dilutum, etiam mali odoris, versicolor est. Bonum signum existimatur, si coctum & album pus apparet. Accidit plerumque in recentibus fistulis, vel si materia partes sangvineas & carneas vel novā cavernam in antiquioribus paraverit, ut hinc pus rubrū, ichorosum appareat; Albedo puris debetur commixtioni particularū acidarum cum gelatinosis & oleosis succi nutritii: Familiaris chirurgorum præparatio est unguenti de lithargyrio, ubi solutio lithargyrii cum acido facta per intimam mixtionē & triturationem cū olivarum oleo album infert calorē, idem contingit, quando ovi abumen cū frusto aluminis per tempus agitur. Notas *Clarissimis Dn. Muys* (11), quod si aqua fortis commisceatur cum sero sanguinis, momento exsurgere colorem album & materiam instar puris. Graveolentia intimæ reactioni ac mutuæ particularum salinarum ac sulphurearum combinationi seu putredini dissolventi debetur, notum enim est, corpora sulphurea maxime mineralium in poris diversorum salium agitata, exemplo præparationis sulphuris aurati antimonii & lactis sulphuris, foetentissimum exhalare odorem, notat enim foetor

C 2

sum.

(11, 12 podalirio suo, super obs. 2. decad 4.

summam salium sulphuris sanguinei contextum destruendi
activitatem, hinc in cancrrosis & sphacelosis ulceribus exse-
crandus foetor exsurgit; testari solet pessimus ejusmodi odor
de corruptione partium solidarum & acredine humoris pec-
cantis notabiliore. Materia effluens sæpius maxima acredi-
ne tincta est, ita ut lintheamina arrodant. *Henricus ab Heer* (12)
scribit, quod in ulcere uteri aliquando instrumentum explo-
ratorium immissum nigrum & arrosum fuerit. Nos quoque
raram ac singularem notavimus historiam *Jenæ* sub ductu
*Excellentissimi Dni. D. Schlevogtii, Anat. Chir. ac Botanices Professo-
ris celeberrimi, Patroni mihi quam colendisimi*, nimirum, corri-
piebatur ante biennium vir quidam e plebe malo ischiadico
in latete dextro, hoc nulla observata diæta nullisque adhibi-
tis remediis in ulcus succrescebat, quinque itaque digitis infra
articulationem ossis femoris cum coccyge apertum ingentem
materiæ copiam fudit, ulcus vero cum nullis remediis nec
internis nec externis cederet, fistula exoriebatur, qua per
longum temporis spatium summis cum torminibus vexatus,
accedente tandem tumore aquoso scroti & partium aliarum
circumjacentium, miserrime obiit. Post sectionem cadaveris &
speciatim ulceris hujus invenimus circa caput ossis femo-
ris & in ipso capite ac acetabulo ossis coccygis acerri-
mam caseosam & tartaream materiam magna in copia, qua
ligamentum, quo os femoris cum coccygis acetabulo con-
nectitur & quod magis est ipsa cartilaginosa substantia, qua
hæc ossa in articulationibus circumducuntur, consumpta,
ipsaque ossa summa carie corrupta cernebantur; luculento
indicio, potens acidum & acre ibi latuisse. Et quamvis acredo
hæc gustus organon non semper feriat propter nimiam mole-
cularum tenuitatem, non neganda tamen illa ipsa est, sic re-
gulus, vitrum & crocus antimonii acrimonia haud expertia
sunt, quam etiam exserunt, dum scirrhasas carnes item exsu-
perantes absumunt, in lingua tamen minime percipitur.
Johannes Baubinus (13) meminit, vitrum antimonii mundasse ul-

(12) *obs.* 14.

(13) *In epistol. ad Caspar. Bartholin. lib. de caut. cap. XIV.*

ulcera sordida & egregie aperuisse steatomatum folliculos. si tenuis est lympha ut plurimum acris minus purulenta, tunc acidi spicula oleosis & ramosis plus temperata & obtusa sunt, haud quaquam autem in sanie & ichore; *Veteres* has species puris nominarunt *Virus*, *melagium*, *sordes* & *ichorem*. *Virus* est tenuis ac foetida materia, quæ carnem ac cutem exedit; *malagium* oleosa, quæ communiter à carie ossium oritur & valde foetet. *Ichor* tenuis succus sulphureus & salsus est, *sordes* est materia lardo similis, quæ lutosa spissa & non facile per canaliculos fluit musculorum.

XVII.

Discussis hisce operæ erit pretium paulo penitius determinare, quibus indiciis opus sit ad cognoscendum hunc affectum. Optime autem id efficitur, si externe digitis id exploramus, an dura adsit productio, an illa per lineam rectam vel curvam in cute proserpat & paucus vel nullus dolor sentiatur. Formam fistularem specillo sive instrumento exploratorio inquirimus, si nimirum adsunt longæ productiones vel in recta linea vel in curva, tunc profundius ingreditur instrumentum, hoc enim exploramus, quo tendat fistula, an ad latera pertingat vel sursum aut deorsum: certum quoque signum est, si ulcus fistulosum semel curatum denuo recrudescat, & in hoc vel in alio loco renovetur. *Paræus* (14) Multis, inquit, cuniculis & in labyrinthum anfractuosa judicantur, fistulæ, si non alte descendit specillum, & nihilominus plus saniei effluit, quam tam exigui ulceris ratio ferat: an vero tortuosa sit, opus est, ut id recte cognoscamus, præstamus autem id ipsum virgula quadam cerea vel instrumento tali, quo solet vulgus purgare suas tobaci fistulas, hæ enim ad quæcunque latera se flectere & ad fistulæ figuram sese accommodare possunt. Quod vero specillo vel instrumento exploratorio jubent explorari *Celsus* (15) & *Paulus*, id *Hippocrates* per alii

C 3 re-

(14) lib. 12. cap. 23.

(15) loc. citato.

recentem scapum experitur. (16) Certiores quoque reddimur de fistulæ præsentia, si ulcus diu duraverit, quæ enim annua sunt ulcera, in iis cicatrices cavas fieri, necessum est, monente *Hippocrate*. (17) Congruum adhuc est exponere signa ad speciales fistulas cognoscendas necessaria, quoniam autem hæc maximam partem nomina sua receperunt à parte affecta, sic & signa exinde fluunt. Fistulam itaque lacrymalem cognoscimus ex exulceratione carunculæ fistulosa circa oculi angulum majorem, sæpius saltim intumescencia adest cum rubore, qua compressa sanies erumpit & serum acre album aut viscidum, interdum etiam visitur extrinsecum foramen. Fistulam maxillarem indicat plerumque effluxio materiæ inter mendum & oscitandum, præsertim si vasa lymphatica sunt corrosa. Ani & intestini fistulam manifestant ante apertionem manifestissimi dolores, rupto vero abscessu, ichor exstillat summi foetoris, si fistula salvo sphinctere intestinum perforaverit, specillo explorari potest, utpote hoc deprehendi potest digito oleo inuncto & ano intruso, quod si autem fistula tortuosa est, stylus non facile in anum penetrat, sed feces alvinæ per fistulam redduntur, & liquor injectus per anum exitum quærit. Si fistula non penetraverit, intestinum, sed inter recti tunicas hæret, patet id ex immisso specillo, quod digito non fit obvium, sed intestini membrana tegitur.

XVIII.

Examinatis sic causis & phænomenorum occurrentium rationibus expositis, nunc ad prognosin sive affectus nostri eventum properandum est. Attendenda autem hic primum est sedes fistulæ & partis affectæ structura ac conformatio. Summatim tamen asserimus, fistulas quæ ad interiora pertinent periculi haud esse expertes & difficilem admittere sanationem, cum non tam commode mundari, nec ad ea medicamenta tam facile pertingere possint, & quam facillime pars quædam & vas nobilius arrodatur. Sic lethalis est illa,

cu-

(16) *lib. de fistul.*

(17) *apb. 45, lib. 6.*

cujus mentionem facit *Dn. Marchette*, (18) ubi ex vulnere ossis sterni fistula exorta fuit, & ad ipsam cordis substantiam penetraverit; Ex adverso fistulis, quæ extrinsecus sunt & visui obviæ, melius opitulari possumus, sic promte curantur, quæ superficiales & cutaneæ sunt, quarum curam inter quatuordecim dierum spatium promittimus. Si autem ad musculorum tendines arterias, venas nervosque penetrant extra periculum non sunt; *Hippocrates* (1) inquit, fistulæ difficillimæ sunt, quæ in cartilaginosis & excarnibus locis ac cavæ sunt, & procedunt ac sanie manant semper & caruncula in osculo ipsis inest; Curatu autem faciliores sunt, quæ in mollibus & carnosus partibus existunt; quæ circa articulos fiunt, ægre sanantur partim ob synoviæ fluxum molestissimum, partim etiam ob motum ibi continuum; *Hildanus* (20) Insanabilia fistulosa ulcera pronunciat, quæ circa juncturas mandibularum sunt, his tamen non attendentibus vidimus talem fistulam nuperrime curatam in virgine circa juncturas maxillarum, hæc dabat puram & continuam lympham tam inter cibos masticandos quam oscitandum; sic diuturna & difficilis observatur curatio, si fistula obsidet oculi canthum, intestina, vesicam, canalem urinarium tum propter sensibilem partium constructionem, tum propter impeditam medicamenti applicationem. *Albucasis* (21) fistularum, inquit, quæ ad intestinum rectum aut vesicam tendunt vel ad ossa caudæ penetrant, curationem nihil aliud esse, quam laborem infirmorum & fatuitatem stultorum medicorum. Cui tamen experientia teste prorsus contradicimus.

XIX.

Porro diversa quoque nascitur prognosis quoad amplitudinem vel angustiam cavitatum; fistulæ, quæ ampla habent orifica, melioris notæ sunt illis, quæ angusta habent; Item quæ breves desinunt in cavernas & sinum, quæ unum ductum

(18) *obs. 47. pag. 119.*

(19) *In coac.*

(20) *obs. 48. cert. 4.*

(21) *cap. 88. lib. 2.*

ductum quasi in alium mittunt, molestiam chirurgi creant in curando satis magnam. *Galenus* ait, (22) fistulæ profundæ, antiquæ an fractuosæ & quæ plures habent sinus ægre recipiunt curationem, ut & illæ, quæ ad os transeunt, talem *Paulus Aeginetta* (23) curare absque manus opera impossibile esse judicat, nisi temporis spatio squama vel os abscedat; porro etiam quamdiu os cariosum & callus in fistula remanet, nulla speranda reconvalescentia est, nam os sphacelatum semper inficit partes vicinas. Ulterius fistula, quæ à carie ossis est, omnem respuit sanationem, nisi pius succuratur cariei; ab ulceribus vero, abscessibus & vulneribus quæ succrescunt, melius & citius sanescunt. In scorbuticis & cachecticis, uti omnia vulnera & ulcera sic quoque hæc difficulter clauduntur; docet id ipsum *Hippocrates* (24) dum inquit: Ulcera hydropicorum vix imo ne vix curantur, hinc etiam cavendum est, ne cauteria inurantur hydropicorum corporibus: novi, inquit, *Heurnius* (25) hoc evenisse in Doctore, medicoque celeberrimo Ultrajectino, qui cum ab aqua fatigaretur, inuri suis cruribus ulcera jussit, at illa mox ad gangrænam abibant & hominem abripiebant. Denique ratione accidentium prognosin facimus, sic si è fistulis v. gr. excernuntur lapides, qualem *Schulzius* communicavit (26), & in qua vermes generantur, quales *Borellus* (27) nec non *Magnificus Dn. PRÆSES* (28) observarunt: Item si per fistulosa ulcera excretiones ordinariæ, ut hæmorrhoidum fluxus per fistulam intestini recti, qualem nos hic *Hale* observavimus in viro magni nominis, & mensium per uteri fistulam, de quibus casibus differit *Kerkringius* (29), longum & diuturnum requiritur tempus in curatione.

XX. His

(22) lib. 3. de humoribus.

(23) lib. 4. cap. 49.

(24) lib. 6. aph. 8.

(25) in comment. ad aph. 8. lib. 6. Hippocr.

(26) in ephemer. ann. 9. & 10. obs. 185.

(27) in obs. medico-physic. obs. 48. cent. 2.

(28) in notis, quam *Poterio* dicavit cap. 47.

(29) in observat. anatom. 85, & 86.

His omnibus nunc expositis ut methodum medendi quoque tradamus ordo & ratio postulat, ante autem quam id efficimus, quæstionem & dubium illud, quod plurimi medicorum & chirurgorum movere solent, resolvere & diluere volumus. Utrum nimirum fistulæ antiquæ tuto consolidari queant, nec ne? Negativam sustinent, *Paraeus, Galenus, Hildanus, Paraeus* (30) Veteres, inquit, & quæ per plures annos fluxerunt fistulæ si occluduntur cicatrice, non solum gravissima pariunt symptomata, sed & mortem inferunt præsertim in corpore senili & infirmo; quam sententiam author forte ex *Galeno* (31) hausisse videtur, qui ait, quod antiquæ fistulæ in loco declivi & à principali parte remotæ sint relinquendæ, sique ex se ipsis vel alio pacto claudantur rursus, aperiendæ. *Hildanus* quoque suam affert experientiam, referens (32): cuidam viro, qui fistulam multis laboribus cicatrice obduxisset, post curationem tot ac tanta supervenisse symptomata, ut illam rursus aperire coactus fuerit, hoc facto ægrum non solum convalescuisse, sed etiam multos annos commodæ adhuc vixisse, neque consolidationem fistulæ amplius tentare voluisse, ne sibi accideret, quod Poëta canit:

Incidit in scyllam, qui vult vitare charybdim,

Hiscæ nunc consentiunt *Barbette* (33) *Vidus Vidius, Arnoldus de Villa nova*, (α) *Fabricus ab Aquapendente* (34) Ex neotericis *Paulus Ammanus* (35), (36), *Sculdetus* (37). Mea sententiâ decretum hoc & statutum fluxisse ex illorum ignorantia videtur: fistulas itaque legitime ad sanationem perducere posse, ex ratione & experientia firmum.

(30) *lib. 12. pag. 21.*

D

ha-

(31) *Comment. 39. sect. 3, lib. 6. epidem., & lib. de humoribus.*

(32) *cent. 5. obs. 73.*

(33) *lib. 3. cap. 5. de fistul.*

(α) *in parabol. medicat. de curatione meatus innatural. c. 4. apb. 1.*

(34) *lib. 3. sect. 1. cap. 13.*

(35) *in prax. vulner. lethal. histor. 5. decad. 6. pag. m. 178.*

(36) *Idem in paranef. pag. 370.*

(37) *In armamentar. chirurg. tab. 45. fig. 3. 7.*

habemus, quod tamen pace illorum virorum dictum fuerit. non nego, ulcera illa antiqua, item fonticulos diu gestatos cum euphoria si in corporibus impuris celerrime clauduntur ante debitam sanguinis purificationem, sæva quædam symptomata inducere posse ipsa experientia consentiente; emunctoria enim ibi quasi nova formata sunt, per quæ non tantum serum copiosum viscidum, sed & falsum & acidum propter pororum convenientiam singulis diebus evacuatur, quod alias retentum quantitate sua facile delinquit; Interim tamen & in contrarium citamus experientiam uberrimam, ulcera vetustissima item fonticulos à longo tempore inustos citra ullum incommodum consolidatos fuisse, modo internis prius remediis depurantibus, corrigentibus, evacuantibus impuram humorum massam decenter invertere & eliminare ex corpore studeamus. Sic quoque nota sunt nobis varia exempla, ut fistulæ etiam antiquissimæ citra ullum sanitatis incommodum aut subsequenter morbum etiam absque copioso internorum usu consolidatæ fuerint. Potius asserimus, fistulas neglectas & sine curatione relictas in ingens vitæ discrimen corpora injicere: cernimus quotidie in fistulis lacrymalibus, quod cæcitas, nisi opportune ipsis medeamur, pressio pede subsequatur, dum nimirum aqueus humor nutrimento suo debito privatur. Deinde in sinu fistulæ continua acredo generatur, quæ innumeras cavernas & cuniculos parit exesione ac corrosione sua, unde humorum ingens corruptio & iphæcelus creari potest. Extat hanc in rem singularis observatio apud *Horstium* (β), nimirum filia xxii. annorum per triennium fistulosis ulceribus circa genu dextrum laborabat, hinc corpus consumptum, continuo dolebat pars affecta, & quoniam totum os una cum patella cariosum judicatum fuit, de pedis supra genu amputatione deliberatum fuit, extirpatum ergo est felici cum successu. Item *Marchette* (38) narrat, se in fistula lumbari per tempus aperta id fuisse expertum, quod æger continua febris & magna pedum macie correptus fuerit.

XXI.

Ut autem proximius ad ipsam curam accedamus, præmittendæ prius sunt indicationes, ad quas tanquam nauta ad pyxidem nauticam suam navim, chirurgus curandi rationem ducere ac dirigere debet. *Primum* ergo est, si quædem adest humorum discrasia seu impuritas, hæc ut penitus tollatur, necessum est; *Secundo*, respiciendum eo est, ut callus removeatur & scirrhus, sine cuius remotione nunquam expectari potest constans cura. *Tertio*, ossium caries & corruptela auferenda est, si adest, quo facto denique fistulæ mundandæ, fibræ conglutinandæ, & cavitas carne replenda, Quod primam indicationem concernit, summe necessarium est, illis in casibus, ubi igens humorum discrasia, tollere illam non quidem V. S. ac cucurbitulis, purgantibus fortioribus aut diaphoreticis calidioribus, sed magis illis, quæ acrimoniam salsam tartaream diluunt, temperant, infringunt, & evacuatoria publica aperiunt; Ex hisce autem omnibus palmam præripiunt præmissa, si plethora urget, venæ sectione, decocta seu potius infusa saturata vulnerariis & lignosis sanguinemque edulcorantibus v. gr. herb. heder. terrest. agrimonix, fumar. sannicul. pilosell. hepatic. fl. bellid; urtica mortua, scordio, vincetoxico, radice chinæ, aristolochiæ rotund., altheæ, lign. sassafr, sassaaparill., Juniper., conis abietis &c. nec in parva sed in magna quantitate, nec bis vel tribus vicibus, sed per aliquas septimanas singulis diebus ad minimum bis hausta. Tali modo exhibita magna præstare solent, magnum enim in medendo arcanum existimamus, debitam quantitatem medicamentorum nosse; sæpe optima sunt remedia, quæ nisi iusto tempore, dosi ac quantitate offeras nil prorsus proficiunt. Consentientes hac in re quoque habemus *Forestum* (39), qui in fistulis maxima cum utilitate se propinasse decoctum lignorum testatur, vide plura, quæ habent *Franc. Pecquetius* (40), *Johann Tagaultius* (41).

(39) lib. 7. obs. chirurg.

(40) lib. 3. cap. 13.

(41) lib. 2. inst. chin.

Forest. (42), *Sennert.* (43). Huc quoque quadrat *Paracelsi* (44) decoctum vulnerarium.

XXII.

Præterea notum est, ad sanguinis depurationem etiam vulgariter laudari salina neutra, nitrosa, tartarea, item tincturas bezoardicas, mixturas diaphoreticas, salia volatilia, spiritus volatiles oleosos, fuliginis, lignorum & quæ sunt generis alia; sed ut paucis de hisce interponam iudicium meum, hæc mihi haud quaquam nostro scopo quadrare videntur, utpote medicamenta salina neutra item fixa alcalina humores magis acuunt, falsedinem, quæ jam sufficienter inest, inducunt & ad discrasiam sanguinis falsam & tartaream corrigendam parum contribuunt, nisi ad abstergendam intestinorum amurcam illa quis velit adhibere. Volatilia calida & acria nimis exagitando massam humorum & sanguinis calorem intestinum accendunt, partes humidas & serosas dissipant, & acrimoniam humorum adaugent. Præter autem hæc dicta jam interna purgantia leniora admittimus, maxime pilulas ex gummi ammoniac. & mercurio dulci mixtas, hæc quotidie usurpatæ ad aliquot septimanas potentissime obstructions solvunt, visciditates corrigunt, salivam copiosius fundunt nec non succum in pancreate & glandulis intestinalibus existentem: præter hæc & rhabarbarina, senna maxime per infusionem parata commendari merentur. Quæstio etiam oritur, an salivatio mercurialis locum habere possit? Nos pro affirmativa decernimus, si nimirum lymphæ insigni peccat coagulo & obstructions ductuum minimorum obstinatissimæ sunt, ita ut decocta prædicta ad rebelles has obstructions tollendas inefficaces sint, maxime accedit, si luis gallicæ ad sit suspicio; hoc quidem certum est, fistularum callum tali salivatione tolli non posse vel solvi, interim tamen depuratis corporis nostri fluoribus facilius externa efficaciam suam exferunt, & effectum

(42) *obs.* 17. *lib.* 7.

(43) *lib.* 5. *part.* 2. *cap.* X.

(44) *in chirurg. parva p. m.* 182. & 242.

Etum laudabilem præstant. Si autem hujus applicationem imbecillitas viscerum forsan impediret, mercurialia temperatiora in usum trahenda sunt, ejusmodi generis sunt cinnabarina, cinnabaris enim nil nisi mercurius sulphure ligatus est, sique in copia per aliquot dies adhibetur, lymphæ coagulum egregie solvit, hinc in nervorum affectibus magnæ est efficaciam, modo quis rite eam applicet. Epilepsiam hac sola curavit
Excell. DN. PRÆSES.

XXIII.

Pergimus ad secundam nunc indicationem, quæ in hoc versatur, ut callositas & scirrhescentia auferatur, in hoc enim maximum curationis momentum est; quemadmodum autem nullum os fractum conglutinatur, nisi interveniente callo, sic nulla fistula radicitus curatur; nisi callo remoto. Ut autem decenter illum removeamus, opus est, ut decenter & immediate callositatibus hisce remedia callum absumentia applicemus, hoc autem ut plurimum impediri solet fistularum, quoad exteriora, angustia, hinc præcipue opus est, ut prius orificia hæc dilatemus & satis ampla reddamus, quo pertinere ad callum & medicamenta applicari decenter queant; dilatant autem horum ulcerum oras arctas & præduras, omnia quæ humorem imbibentes vim quandam expansivam elasticam continent, quem in finem recipiuntur vulgo medulla sambuci, spongia cera probe imbuta & præparata, quæ mihi videtur omnium optima, ut & radix consolidæ, gentianæ, hæc efformata in figuram pyramidalem & parte acuminata in fistulam intrusa hujus humiditatem imbibendo sese expandunt sicque pedetentim absque dolore viam patentem medicamentis parant. Cavendum autem hic est, ut in extractione harum turundarum cauti eamus, ne dum nimis sint distentæ hæ turundæ & hærent in partibus, extractione frangantur & portio quædam intus maneat, unde sæva & dolorifica symptomata oriri possunt, quapropter bene monet *Dn. à Sölingen* (45), non ex fragili materia illas debere fieri & interdum,

D 3

opus

opus esse, ut filo alligantur, ne intimius sese in fistulis insinuent. Dilatato ergo quantum satis est orificio, applicari debent illa medicamenta, quæ callum & scirrhum illum dissolvunt & absumunt, præstant autem id tam medicamenta quam instrumenta.

XXIV.

Medicamentis aufertur præcipue in iis locis, ubi nec incisio nec ustio locum habet, & si recentes sunt, nec callus admodum crassus & durus est, sunt autem hæc medicamenta septica varii generis magis vel minus acria & corrosiva pro conditione calli etiam applicanda. Inter mitiora quæ tenuem recentemque callum eximere possunt, sunt succus nicotianæ, radix ari, helleborus albus. *Hollerius* (46) scribit, magna vis inest helleboro contra callos, immissus fistulæ ad tertium diem callum adimit. Media sunt ammoniacum, alumen ustum, vitrum antimonii, unguent. ægyptiacum, rubr. *Felic. Wurzii*. (47), apostolic., aqua virid. *Hartmann*. crocus metallor, viride æris & butyrum antimonii cum limatura martis ad temperamentum redactum. Ex valentissimis sunt mercurius præcipitatus, sublimatus, lapis infernalis, aqua fortis, oleum & spiritus vitrioli, oleum arsenici. *Tagaultius* (48) describit aquam summe proficuum in omnibus callosis fistulis constantem ex mercur. sublimato, unguento Ægyptiaco, aqua plantag. & rosar. *Sölingen* (49) commendat turundas ex pergamento liquore aliquo corrosivo imbutas. Nos sæpius experti sumus, si mercurius sublimatus miscetur cum camphorato unguento, quod præstantissimus subsequi soleat effectus. Novimus quoque, emplastrum ex butyro antimonii & cera confectum quod callos probe auferat. Circa hæc dicta remedia in genere notandum est, quod primo liquida injicienda sint, solida autem sive pulveres cum humidis vel unguentis in spissam formam red-

(46) *In institut. chirurg. lib. 3.*

(47) *in der Wund-Ärney-Kunst.*

(48) *lib. 3. de ulceribus.*

(49) *loco citato.*

redacta sub specie turundarum quantum licuerit applicanda: *Tertio* acria illa salina caustica in partibus membranaceis tendinosis nerveis cautissime adhibenda, novam enim inflammationem dolore isto acerbissimo accersere possunt: *Quarto* mercurialia, ubi ossa sunt affecta & vitiata, cautissime applicanda sunt: *quinto* in applicatione, oleosa & unctuosa mixta cum hisce seu corrosivis valde labefaciunt & infringunt illorum vim: *sexto*, tamdiu autem turundæ & alia medicamenta solida caustica sunt relinquenda, donec callus mortificatus se à sana carne separet & exitum affectet;

XXV.

Præterdicta autem novimus adhuc remedium excellentissimum, quod in absumendo callo vix par habet, cujus præstantissimum usum non semel sed plus quam triginta vicibus expertus est *Dominus meus Parens Halberstadii* & in districto vicino chirurgiam felicissime multorum non sine invidiâ exercens. Est autem remedium illud unum simplex nulla acrimonia, manifesta corrosiva imbutum, nullum graviorem inflammatorium dolorem excitans, aut alia sæva symptomata producens: in omnibus fistularum generibus locum habet, calum intra tres vel quatuor dies durissimum ita absumit, & exedit, ut totus separatus extrahi queat, simul quoque possidet vim absumendi ulceris acidum corrosivum. Post extractionem collosæ substantiæ optimum generatur pus & consolidatio sequitur exoptata. Usus ejus hic est; redigitur nimirum in pulverē deinde cum liquido vel sola salvia miscetur, ex hac mixtura fiunt turundæ, quæ in cavitates istas quantum licet intruduntur, sic effectum dictum præstantissimum edunt: è contrario si cum unctuosis & oleosis commiscetur, non talis subsequitur effectus: est simplex, in pharmacopœis notissimum, quod alias etiam in fistulis commendant, sed semper cum aliis contraindicantibus adhibent. Antiquissimi chirurgi legitime id adhibuerunt, sic quoque vetustissimus Chirurgorum & Medicorum *Hippocrates* (γ) hujus remedii inter alia mentionem facit.

Si

(γ) lib. de fistul. ani.

Si una vice non totus hoc remedio eximi potest callus propter obliquum cuniculorum ductum secunda vel tertia vice applicetur & sic omnis auferri poterit. Semper autem hoc observandum est in applicatione, ut profundius immittatur in fistulam & quamvis non omnibus calli partibus immediate applicari queat, accidit tamen, dum successive solvitur hæc turunda, ut vis medicamenti penetret ad absconditos ductus & efficaciam suam ibi exerat.

XXVI.

Instrumentis quoque fistulosum callum auferunt nonnulli chirurgi vel acutis vel ignitis, illis, dum circulus ille callosus è medio aufertur, ita ut carnosæ fibræ sese connectere iterum possint, his, dum eschara callo inducitur & mortificatur. Ex acutis optima sunt cultri falcati, qui se ad turtuositatem fistularum probe applicare possunt, uti est *Syringotomum* apud *Dn. Söling*. (50) delineatum. Quomodo ignita applicentur videantur citati *Dn. Sölingen*, *Scultetus* (51) *Paræus*, *Vigo* & reliqui plures. Quod sectionem attinet, non tutum ea est remedium, nam & interdum & nervi & arteriæ refecantur & prudentem requirunt & circumspectum Chirurgum.

XXVII.

Tertia denique indicatio est, ut caries, si quæ adest, ossis dematur, interdum caries manifesta est oculo, interdum fit, manifesta specillo, si hoc, in fundo ulceris asperitas percipitur, visui patet, si os denudatum fiat pingvius & successive nigrum & post nigredinem hinc & inde perforatum. Ulcera autem, uti omnia sic quoque fistulosa, ubi ossium caries latet ad perfectam cicatricem perducere nequeunt, sed etiam optima suppurata protinus recidivant, non enim potest firmiter conglutinari caro cum osse carioso, quia sanies ex osse plorans semper novum generat ulcus quod etsi consolidetur, caro tamen, quæ ulceri supervenit, est flaccida mollis, minus dolens & simul sub ulcere serpens, saniesque effluit longe copiosior pingvior &

(50) in operat. chirurg. tab. 5.

(51) in armament. chir. tab. 14. fig. 10. & 14. & tab. 35. fig. 8.

& acrior, quā in ulcere recte sese habente. Hæc autē caries tollitur, si per labia ulceris dilatata caries ossis in conspectū venit, ut hinc ipsi ossi immediate medicamenta applicentur, vel si hoc nō potest & os profundius est, liquor infundi siphone debet; Ex omnibus autem quæ prævalent hic sunt omnia illa, quæ sale volatili oleoso & copioso prædita sunt, penetrantia enim opus est, ut minimos tubulos, ex quibus ossa constant, medicamentorum particulæ possint intrare; Sal autem volatile requiritur oleosum, quo acidum ulceris corrigi queat: Celebrantur autem inter hæc oleum caryophyllorum, cochleariæ, camphoræ ex cortice radice cinamomi paratum, & præsentissimum omnium pulvis *euphorbii*, de hujus singulari efficacia legi potest *Riverius* (52), item *Hildanus* (53), (54), nec non *Dn. Muys* (55). Necessum etiam est, ut primo os cariosum lima teratur & rodatur vel etiam scalpello, donec incipiunt apparere punctula rubicunda. Funditus autem eam delere solet ferrum candens, si os ipso tangatur sæpius, quod tum ratione evaporationis acidi, tum ratione alterandi acidum agere videtur, uti bene ratiocinatur modo citatus *Cl. Dn. Muys l. c.* Notabile enim est, foetidum odorem post applicationem ferri candentis cessare statim. Ossi autem denudato aspergatur pulvis mastichis, myrrhæ, aloes, rad. ireos florent., aristoloch., vel pulvis ad cariem *Sculleti* (56) ex balsamicis constans applicetur. Quibus super imponi possunt filamenta carpta & denique unguentum digestivum. Si liquore opus est, potest is fieri ex aqua calcis viv., aloë, myrrh., essent. euphorb. & spiritu vini camphorato, Interdum accidit, quod festucæ os sponte sua relinquant, seque firmiter lateribus carneis & calli adhæreant, hinc conducit sæpius cum instrumento chirurgico (vulgo mit dem Schraub-Eysen) flocculis linteis obvoluto id ipsum os attingere, ut liberum exinde evadat & forcipe eximatur.

E

XXIIX.

(52) cent. 2. obs. 73.

(53) cent. 2. obs. 93.

(54) obs. 21. & 96.

(55) obs. 8. decad. 1

(56) part. 2. obs. 50.

Obstaculis itaque omnibus remotis in eo omnis cura ac diligentia est adhibenda, ut bona carne impleatur fistulosa cavitas, & cicatrice obducatur orificium, quod interdum sponte sua accidit, si fibræ non nimis à se distant & serum γλυσχερόν bonum præsens est, saltem superposito simplici emplastro, quod tonum partis firmat & ab aeris injuria defendit: quod si autem fistula nimis ampla est, decoctum ex vino, myrrha, aloe, fl. rosar. rubr., rad. aristol. rot., scordio, certaur. min. syringe repetitis vicibus calide injiciendum est, quoordes adhuc plenius detergantur, putredo arceatur & occlusio promoveatur; sed meretur hic attendi, quod tunc temporis fistulæ apertæ servari debeant, quo pus possit exire, si autem turundâ fistula clauditur, pus stagnans facile novos sinus facere, & novum callum producere potest. *Dn. Owerkamb* (56) omnes canales & turundas ex linteo carpto confectas in totum rejicit in omnibus vulneribus & ulceribus, quoniam callum pressura sua inducere possunt duriorē & ulcus ampliare: Verum existimamus, distingvendum esse inter turundas molliores ex linteo carpto confectas & duriores, quæ ut plurimum id efficere solent; sæpe enim ex totali prohibito usu turundarum calli sinusque de novo generari possunt, qualia exempla habet *Sölingen* (57) & *Dn. Muys* (58) qui inquit, turundæ tam diu usurpari possunt, donec omnis durities ablata fuit, id est, donec omnis materia cras resoluta sit, & exitum affectet; quoad usum canalium plumbeorum existimamus, plumbeos obstipante sua vi nocere posse, melioris notæ autem esse argenteos & tales, qui tantum transeunt orificium, & licet sic orificium fiat callosum, tamen ex facili & brevi hic callus caustico levi tolli potest. Tales canales servantur in ulcere tam diu, donec omnis durities est ablata & cavitas novis fibris est repleta ad orificium usque, hinc eximitur & cicatrix inducitur

fal-

(56) in dem Neuen Gebäude der Chirurgie, pag. 310, & 555.

(57) part. 2. cap. m. 196.

(58) In podalirio super observ. 4. decad. 4.

faltim emplastro saturnino. Carnis autem generatio est solius bonæ materiæ nutritiæ & sanguinis boni opus, nec unquam ex solis medicamentis sperari potest; dicuntur autem farcoticæ, quæ balsamicas, temperatas & dulces particulas foveant, quæ humidum excessivum consolidationem retardans absumunt, roborando ipsas partes & acidas salsas partes sanguinis temperando, palmaria autem sunt balsamum Locatellii, peruvianum, Copayæ, gummi animæ, elemi, styrax liquida, mastix, myrrha. *Essentia incarnans elegantissima fit*, quæ componitur ex fl. rosar. rubr., hyperici, millefolio, aloe, myrrha, mastiche, succino, gummi elemi, balsamo peruviano & melle, spirituosæ enim balsamica longe melius humiditates absumunt, quam terrea constringendo ipsas fibras & coagulando quoque, dum influxum humorum impediunt.

XXIX.

Quomodo autem cura sit dirigenda pro diversitate partis affectæ, & quas cautelas fistulæ singularium partium exposcant, paucis adhuc delibabimus; In fistula lacrymali si cauterium applicatum fuit potentiale, oculus plerumque tumore & insigni inflammatione corripitur, hinc ut probe iste defendatur collyriis inflammationem arcentibus & palpebræ respiciantur, omni ope nitatur chirurgus. Urgente ossis nasi carie cauterium actuale tanquam longe tutius & efficacius potentiali applicandum est, quod etiam commendatur à *Vigierio* (59): modum inustionis vide loco citato, item apud *Aquapendentem, Sölingen, Scultetum* (60). In operatione hac probe attendendum est, ut oculum bene muniamus, quod *Duranti Scaccho* (61) debemus juxta *Ammannum* (62). *Aquapendens* cannulam argenteam intrudit, ne oculus à ferro candente lædatur, & cannulam fortiter parti affectæ applicat, ut valida compressione sensus quodammodo obtrudatur, tum ferro candente ulcus

(59) in *chirurg. pag.* 263. 264.

(60) *tab.* 31. *fig.* 345.

(61) *subsidiaria med.* 13. *cap.* 2.

(62) *parenese pag.* 405.

exurit, usque dum os lustrare possumus, tum videatur, an os ulterius sit cariosum, nec ne, si est, adhuc uratur, postea curari poterit, ut ulcus omne: ferrum hoc candens præscribit hic author sub forma nuclei olivæ. In principio autem talis fistulæ adstringentia solummodo adhibenda sunt, ut pori vasorum coarctentur, ne humores transmittant vitiosos, & cum lacrymæ solæ exeruntur, nec pus sibi conjunctum habent, aqua aluminosa inspergi potest. *Bartholinus* (63) ad callum in fistula hac lacrymali eximendum applicat solummodo adstringentia, quæ ut commode detineri possint in loco affecto adaptatum est instrumentum ab *Aquapendente* excogitatum, cujus figuram dabit depictam *Sculterus* (α). Interdum quoque accidit, ut simul callus cum dente evellatur, hinc subsequuntur guttæ sanguineæ, ubi id sæpius observavimus, præsertim autem in nobili *Westphalo de Frisbergen*, qui aliquot fistulas habebat in gena, dente evulso totus callus exemptus fuit, & sanguinis profluxus ex fistula subsequutus, sicque feliciter curatus fuit; Vide de eadem cura *Sennert.* (64) *Marc. Aurel. Severinum* (65), *Guidon. de Caulico* (66).

XXX.

fistulæ ani sigulare & proprium quid habent, quod ut plurimum non nisi sectione domentur, hanc quamvis *Aquapendens* prohibeat in historia de pastore, qui mortuus fuit ex doloribus, quos sibi procuravit stimulando hoc intestinum cum ligno, certum tamen est, illam periculo prorsus esse expertem; *Magnus Hippocrates* (67) scribit: rectum intestinum, & secans & resicans, & consuens & urens & putrefaciens, etiam si gravissima sunt, nihil læseris, ex quo aphorismo patet, an nimirum hæc vulnera lethalia judicari debeant, uti affirmavit olim

(63) *Cent. 5. obs. 84.*

(α) *tab. 8. fig. 1.*

(64) *lib. 2. prax. part. 1. cap. 10.*

(65) *Chirurgia efficaci part. 2. cap. 120.*

(66) *tractat. 4. doctrin. 2. cap. 2.*

(67) *lib. de hæmorrhoidibus.*

olim non nemo in disputatione quadā ulterius idem Hippocrates c. loc. dicit : sphincterem tuto posse incidi quovis modo sine officii sui læsione, si saltem ejus octava pars relinquatur intacta, alias sequeretur in voluntaria fecum excretio & tandem ipsa mors; instrumentum quod in fistulis ani requiritur est syringotomon, quo discinditur callus cum carne, cavitate majori facta facilius callus reliquus auferri potest. Observationem quandā, quod totus sphincter discissus fuerit, habet Owerkamb de rustico (68), an autem huic historiæ fides habenda, limatiori judicio pollentibus relinquo. Nemo melius de curatione harum fistularum scripsit quam ipse Hippocrates libro sæpius allegato. Celsus commendat (68) setam equinam aut filum fericum, cujus traiectione ampliat ulcus: vide quoque de hujus curatione Scultet. (69), Item Sölingen (70). In fistula thoracis observandum, turundas pro dilatatione filo allegandas esse, ne cavitatem thoracis intrent, præcipue autem turunda cava plumbea vel argentea pariter filo alleganda intrudatur, ut sic materia pedetentim evacuetur. Ultimo tandem quoad ipsam diætam, ut accuratissime victus ratio observetur, omnia falsa, acria viscida cane pejus & angue vitentur. Magnificus DN. HOFFMANNUS, PRÆSES (71) annotavit, quod quoties acidis vescantur ulcuscula artificialia gestantes altero mane pruritum & dolorem sentiant &c. Porro omnis excessus in potu maxime spirituofo vitandus est, & affectuum regimen perfectum servandum, corpus per intervalla purgandum, non nimium comedendum, excretiones sanguinis consuetæ promovendæ maxime mensium & hæmorrhoidum, crassus salsuginosus fugiendus & infusa diluentia sanguinem temperantia frequentius usurpanda.

FINIS.

(68) cap. 13. de fistul. pag. m. 351.

(68) lib. 7. cap. 4.

(69) In armament. chir. Tab. 45. figur. 34. 567.

(70) cap. 38. pag. m. 330.

(71) In dissertat. sua acroamarica acutissima de acidi & visceri insufficientia pag. 8. c. 2.

Nobilissimo atque Clarissimo

DN. ROEPERO

S. P. D.

PRÆSES.

Sicuti effato *Ciceronis Lib. 1. de Leg.* Juris disciplina non haurienda est ex edictis Judicum Tabulis XII., sed ex intima Philosophia: ita quoque ars medendi salutaris non ex autoritatibus placitis & assertis Medicorum, sed ex intima naturæ Philosophia sive mechanica rerum cognitione addiscenda est. Pulcherrime monet *Hippocrates Lib. de Steril. c. 18, §. 1. περιῶτι φύσιν εἶναι*, conare ut Physicus sis. Etenim, postquam Medici altius quædam agitare conati, sibi rerum naturæ cognitionem vindicaverunt, dici vix potest, quantum per has vires salutaris nostra Professio increvit. Nec profecto sine exquisita mechanismi naturalis tam universalis quam particularis doctrina medicina ullo modo rationalis esse potest, sed trunca & debilis erroribusque tum in theoria tum in praxi quam plurimis manet immersa, adeò ut dicere non verear, Physices doctrinâ qui destitutus est, purum putum esse empiricum, utut vulgo existimetur sapientissimus. Jure proinde meritoque tibi gratulor Clarissime ROEPERE, quod longè solidius & subtilius excoluisti studium Medicum tuum secus ac vulgaris consuetudo est. Quartus jam circumagitur annus ex quo tu primus discipulorum meorum mecum accessisti hanc Fridericianam, ubi consuetudine

ac


ac familiaritate mea assidue usus est. Primum experimentalis Philosophiæ studiis, in quibus nos à primis annis viximus, deditissimus fuisti. His ceu fundamentis superstruxisti & pulcherrimo junxisti connubio Medicæ artis præcepta, utpote quæ magnum robur, firmitatem ac lucem ab istis accipiunt. Chirurgiæ studium omnium utilissimum & quod raro in Academiis agitur, à pueritia satis solide percoluisti apud Parentem tuum Virum in hac scientia dexterrimum & non vulgarem. Cadaverum dissectionibus compluribus & curiosis viscerum inquisitionibus ac præparationibus solertissime adfuiisti eximiam nobis simul præstando operam. Chymiam tam curiosam philosophicam, quam pharmaceuticam indefesso studio magnoque labore tractasti. Praxeos nostræ assiduus ferme comes & attentus spectator fuisti. Quinimò nihil intermisisti eorum, quæ ullo modo accessionem fœnerari poterant studio tuo, quæ tingere ingenium magis & ad solidam eruditionem perducere: Nec ulli occasione aliquid addiscendi vel vivendi te subtraxisti, quare non possum non genuinum artis filium te meritò salutare & honoribus istis, quos decoris ingeniis distribuimus, dignissimum judicare. Qua de causa ex animo gratulor & optime omnino de studiis tuis laudatissimis probe maturis atque infirmum robur adoletis, quæ, ut jam fructus etiam ferant pulcherrimos ex toto pectore opto, precorque. Indulgeat clementissimus & largissimo ac uberrimo fœnore gratiam, omniaque virtutum ornamenta in Te effundat, ut misere ægrotantes insigne levamen ac solatium ex Tuo experiantur auxilio. Dabam ex Athenæo Fridericiano VIII. Idus Mart. Anno M DC XCVII.

Dum

DUm Medicus doctas Chirurgis
detegis artes,
Ingenii dotes detegis ecce Tui.
Pergastam doctos porro subire labo-
res
Patria pro studiis præmia digna
feret.

Experientissimo Dn. Doctorando
ita gratulatur

SAMUEL STRYKIUS, JC.



Aludit discipulus perfectus, quando Magistrum
Perfectum refert, exprimit & sequitur.
Estque novo Medico sic nomen filius artis,
Ut præcepta sequi discat & arte dare.

Non opus est multis extollere laudibus hinc te,
Nam ROEPERE diu γνήσιος esse studes
Filius Hoffmanni, quem sanior orbis adorat,
Omnes quem Medici tollere ad astra solent.
Sic imitare modo deinceps hunc gnaviter artis
Principem; & in Pindo præmia magna feres.

Honori Nobilissimi Domini
Doctorandi

deproperab.

J. P. LUDOVICUS, P.P

